

Evening Dogri (NSD)

16-01-2026

खबरां

1. प्रधानमंत्री नरेन्द्र मोदी होरें अज्ज आखेआ ऐ जे स्टार्टअप इंडिया कार्यक्रम छड़ा इक योजना नेई सगुआं इक 'इंद्रधनुषी दृष्टि' ऐ जेहड़ी बक्ख-बक्ख खेत्तरें गी नमें मौकें कन्नै जोड़दी ऐ।
2. सरकार आसेआ संसद दे औंदे बजट इजलास दे दरान बीए सरबंधी अधिनियम 2026 पेश करग।
3. भारती जनता पार्टी ने अपने राश्ट्री अध्यक्ष दे चुनांऽ कार्यक्रम दा ऐलान करी दित्ता ऐ। नामांकन 19 जनवरी गी दाखल कीते जाडन ते चुनांऽ 20 जनवरी गी होगा।
4. सर्वोच्च अदालतै लोकसभा अध्यक्ष ओम बिरला हुं'दे आसेआ खडेरी गेदी जांच कमेटी दे मामले च इलाहाबाद हाईकोर्ट दे न्याऽधीश यशवंत वर्मा गी राहत देने थमां इनकार करी दित्ता ऐ।
5. अमरीका ने ईरान गी चेतावनी दित्ती ऐ जे ओह प्रदर्शनकारियें पर होआ करदी हिंसक कार्रवाई गी रोकने लेई हर संभव उपाऽ पर बचार करा'रदा ऐ। ईरान ने आखेआ ऐ जे अमरीका दी कुसै बी कार्रवाई दा नतीजाकुन, उचित ते कनूनी परता दित्ता जाह्ग।

<><><><><><>

PM Start UP Day

प्रधानमंत्री नरेन्द्र मोदी होरें अज्ज आखेआ ऐ जे स्टार्टअप इंडिया कार्यक्रम छड़ा इक योजना नेई सगुआं इक 'इंद्रधनुषी दृष्टि' ऐ जेहड़ी बक्ख-बक्ख खेत्तरें गी नमें मौकें कन्नै जोड़दी ऐ। नमीं दिल्ली च राश्ट्री स्टार्टअप दिवस दे मौके उप्पर स्टार्टअप इंडिया दा इक दहाका पूरे होने दे उपलक्ष्य च आयोजित इक कार्यक्रम गी संबोधित करदे होई मोदी होरें आखेआ जे स्टार्टअप इंडिया मिशन छड़ा 10एं ब'रें च इक क्रांति बनी गेआ ऐ ते इसनै पूरे देशै च इक नमीं संस्कृति गी बढ़ावा दित्ता ऐ। उ'नें आखेआ जे भारत दुनिया दा त्रीआ सबनें शा बड्डा स्टार्टअप तंत्र ऐ। उ'दा आखना हा जे मजूदा समें च भारत दे युवाएं दा ध्यान असल समस्याएं दे हल बक्खी केन्द्रित ऐ। एहदे लेई उ'नें युवाएं दी सराहना कीती। प्रधानमंत्री होरें

आखेआ जे अज्ज स्टार्टअप इंडिया इक दहाका पूरा करी गेआ ऐ ते एहदी कामयाबी सरकारी योजना दी कामयाबी गै नेई सगुआं एह लक्खां बद्धे लोकें दे सुखनें गी सच करने दी उपलब्धि बी ऐ। प्रधानमंत्री होरें आखेआ जे इक दहाका पैहले भारत च 500 शा घट्ट स्टार्टअप्स हे पर हुन इंदी गिनतरी बधियै 2 लक्ख शा मती होई गई ऐ। बरे 2014 च भारत च छडे 4 यूनीकॉन हे पर हुन इंदी गिनतरी 125 शा मती होई गई ऐ ते इस बाहे ने पूरी दुनिया दा ध्यान आकर्षित कीता ऐ। श्री मोदी होरें उद्यमशीलता दी पैहली शर्त दे रूपै च दलेरी पर जोर दित्ता ते इस मुकाम तगर पुज्जने लेई युवाएं आसेआ दस्सी गेदी दलेरी दी सराहना कीती। उंनें आखेआ जे पैहले साठे देशै च जोखिम लैने गी खराब समझेआ जंदा हा पर अज्ज एह मुखधारा बनी गेदा ऐ ते जेहडे लोक म्हीने दी तन्खाह शा अगगे सोचदे न, उंनेंगी नां छड़ा स्वीकार कीता जंदा ऐ सगुआं सम्मान बी दित्ता जंदा ऐ। प्रधानमंत्री होरें स्टार्टअप जगत च महिलाएं दी भूमिका दी सराहना करदे होई आखेआ जे भारत च मान्यता हासल स्टार्टअप्स चा 45 फीसद शा मतें च घट्टोघट्ट इक महिला डरैक्टर यां भागीदार ऐ। इस मौके पर केंद्रीय उद्योग ते बपार मंत्री पीयूष गोयल होरें आखेआ जे पिच्छले इक दहाके दुरान प्रधानमंत्री हुं'दे नेतृत्व च स्टार्टअप तंत्र च बड्डा बदलाव आया ऐ।

<><><><><><>

Seed Act

सरकार आसेआ संसद दे औंदे बजट इजलास दे दुरान बीएं सरबंधी अधिनियम 2026 पेश करगा। अज्ज नमीं दिल्ली च संवाददाताएं गी इस बारै जानकारी दिं'दे होई कृषि ते करसान कल्याण मंत्री शिवराज सिंह चौहान होरें दस्सेआ जे कनून दा मकसद खराब गुणवत्ता आहले, नकली ते गैर-अधिकृत बीएं दी बिक्री पर रोक लाना ऐ। एहदा लक्ष्य करसानें गी उच्च गुणवत्ता आहले प्रमाणित बीहू उपलब्ध करोआना ते जलवायु परिवर्तन दे अनुकूल किस्में गी बढावा देना ऐ। उंनें आखेआ जे नमां कनून जानकारी दी सुविधा बी प्रदान करगा।

<><><><><><>

National Sports Conf.

जम्मू.कश्मीर आसेआ कल 17 ते अतरु 18 जनवरी गी जम्मू दे कन्वेंशन सेंटर प्रदेश दी पैहली.पैहली राश्ट्री स्तर दी खेड्डू कांफ्रेंस दी मेजबानी कीती जाहगा। युवा सेवाएं ते खेड्डूं सरबंधी निदेशालय आसेआ आयोजित कीते जाने आहले दऊं दिनें दे इस कार्यक्रम दा मकसद खेड्डू ढांचे गी तगड़ा बनानाए युवाएं दी हिस्सेदारी गी बधाना ते खेलेगा भारत खिलेगा भारत ज्नेही राश्ट्री स्तर दिएं पैहलकदमिं मूजब अपने प्रदेश गी अगगे बधाना ऐ। इस

सम्मेलन च खेड्ड प्रशासकए नीतियां बनाने आलेए कोच ते खड्डारी बी कौशल विकास, भलेआं हेठली सतह पर खेड्ड सुविधाएं दे बादे विस्तार ते खेड्डें सरबंधी टिकाऊ मंचें ज्नेहू विशें पर बचार सांझे करडन। युवा सेवाएं ते खेड्डें सरबंधी विभाग दिएं डरैक्टर जनरल अनुराधा गुप्ता होरें आखेआ ऐ जे इस सम्मेलन दा आयोजन एहू दर्शादा ऐ जे जम्मू.कश्मीरए खेड्डें दे इक गढ दे तौर पर उभरियै सामने आवाश्रदा ऐ।

<><><><><><>

BJP Prez. Election

भारती जनता पार्टी ने अज्ज अपने राश्ट्री अध्यक्ष दे चुनांS कार्यक्रम दा ऐलान करी दित्ता ऐ। पार्टी दे राश्ट्री अध्यक्ष दे औहद्वे लेई नामांकन 19 जनवरी गी दाखल कीते जाडन ते उस्सै दिन नामांकन पत्रें दी जांच कीती जाहगा। चुनांS 20 जनवरी गी होगा।

<><><><><><>

SC Burnt Currency Case

सर्वोच्च अदालतै अज्ज इलाहाबाद हाईकोर्ट दे न्याऽधीश यशवंत वर्मा गी राहत देने थमां इनकार करी दित्ता ऐ। यशवंत वर्मा ने लोकसभा अध्यक्ष ओम बिरला हुं'दे आसेआ खडेरी गेदी समिति गी चुनौती दित्ती ही। इस समिति गी पिच्छले ब'रे मार्च म्हीने उं'दे आवास पर फकोए दे नोट मिलने दे आरोपें दी जांच लेई खडेरेआ गेआ हा। न्याऽमूर्ति दीपांकर दत्ता ते न्याऽमूर्ति एस.सी. शर्मा हुं'दी पीठे आखेआ ऐ जे समिति दा गठन करियै लोकसभा अध्यक्ष होरें कोई गैर-कनूनी कम्म नेई कीता ऐ ते न्याऽमूर्ति वर्मा कुसै बी राहत दे हकदार नेई हैन। 14 मार्च गी नमीं दिल्ली च स्थित उं'दी सरकारी कोठी पर फकोए दे नोटें दे बंडल मिलने मगरा न्याऽमूर्ति वर्मा होरें'गी दिल्ली हाईकोर्ट थमां इलाहाबाद हाईकोर्ट च मुंतकिल करी दित्ता गेआ हा।।

<><><><><><>

VP UK Speaker

उपराश्ट्रपति सी.पी. राधाकृष्णन होरें अज्ज नमीं दिल्ली च स्थित संसद भवन च ब्रिटेन दे हाऊस ऑफ लॉर्डस दे अध्यक्ष लॉर्ड मैकफॉल ऑफ अलक्लुइथ हुं'दे कन्नै मलाटी कीती। भारत च आयोजित राश्ट्रमंडल अध्यक्षें ते पीठासीन अधिकारियें दे 28में सम्मेलन दे दरान एहू मलाटी लगगी। इस मौके पर उपराश्ट्रपति होरें आखेआ जे लॉर्ड मैकफॉल हुं'दी एहू जात्तरा, भारत ते ब्रिटेन बश्कार मजबूत संसदी सरबंधें गी दर्शादी ऐ। श्री राधाकृष्णन होरें दौनें मुखें

दे सांझे लोकतांत्रिक मुल्लें पर लोऽ पांदे होई आखेआ जे एह्दे च विधि दे शासन दे प्रति प्रतिबद्धता, संसदी विशेषाधिकार ते कार्यपालिका दी असरदार निगरानी शामिल ना। श्री राधाकृष्णन होरें आखेआ जे लॉर्ड मैकफॉल हुं'दी एहू जात्तरा, भारत ते ब्रिटेन बश्कार मजबूत संसदी सरबंधें गी दर्शादी ऐ। उ'नें दौनें मुल्लें बश्कार सांझी लोकतांत्रिक नैतिकता दा जिक्र करदे होई आखेआ जे इस दिशा च दौनें देशें कानून दी प्रतिबद्धता ते संसदी विशेषाधिकार दे महत्व पर लोऽ पाई ते प्रतिनिधिमंडलें बश्कार मते आदान-प्रदान, सांझे सिखलाई कार्यक्रमें ते ज्ञान सांझा करने आहली पैहलकदमिएं दा समर्थन कीता। उपराश्ट्रपति होरें संसद च भारत दी डिजिटल पैहल दे बारे च बी गल्ल कीती ते पारदर्शिता ते जनभागीदारी बधाने च ब्रिटेन दे अनुभव थमां सिखवने च बी अपनी दिलचस्पी व्यक्त कीती।

<><><><><><>

Indo Japan Relations

बदेश मंत्री डॉ. एस. जयशंकर होरें आखेआ ऐ जे पिच्छले द'उं दहाकें च भारत ते जापान ने अपने रिश्ते आर्थिक खेत्तर थमां बधाइयै व्यापक ते रणनीतिक भागीदारें दे रूप च बदले ना। उ'नें एहू गल्ल जापान दे बदेश मंत्री तोशीमित्सु मोतेगी हुं'दे कन्नै नमीं दिल्ली च गल्लबात दे शुरूआती सत्र दरान आखी। उ'नें गलाया जे महासागर आहली पैहल ते हिन्द-प्रशांत लेई भारत दा नजरिया, जापान दे मुक्त ते खुले हिन्द-प्रशांत दे नजरिये कन्नै मेल खंदा ऐ। डॉ. जयशंकर होरें आखेआ जे दौने मुल्ल, आपूर्ति श्रृंखला, महत्वपूर्ण खनिजें ते ऊर्जा सने सेहत ते समुंदरी सुरक्षा दे खेत्तरें ते बक्ख-बक्ख दपक्खी मुद्दें पर चर्चा करने दे ख्वाहिशमंद ना।

<><><><><><>

JK Conservative Party

ब्रिटेन दी कंज़र्वेटिव पार्टी दे नेता ते सांसद बाँब ब्लैकमैन होरें बंगलादेश च बने दे डरौने हालात पर झूहगी चैता व्यक्त कीती ऐ। उ'नें आखेआ ऐ जे बंगलादेश च हिंदुएं दी सिडकें पर सरेआम हत्तेआं कीतीआं जा'रदिआं न ते उ'दें घरें ते मंदरें गी फुक्केआ जा'रदा ऐ। श्री ब्लैकमैन होरें आखेआ जे होरनें धार्मिक अल्पसंख्यक बी नेहू गै हालात दा सामना करा'रदे ना। संसद दे हेठले सदन हाऊस ऑफ कॉमंस च उ'नें आखेआ जे बांगलादेश च 12 फरवरी गी होने आहले चुनाऽ गी दिक्खदे होई आवामी लीग पर बंदिश लाना, इक गंभीर लोकतांत्रिक मुद्दा ऐ। उ'नें ब्रिटेन दे बदेश मंत्री होरें'गी गुजारिश कीती जे ओहू अल्पसंख्यकें दी सुरक्षा दे कन्नो-कन्नो आजाद ते निरपक्ख चुनाऽ जकीनी बनाना। तोआई ब्रिटेन दे चार सांसदें बंगलादेश च

मोहम्मद युनूस दे नेतृत्व आहली अंतरिम सरकार आसेआ प्रमुख राजनीतिक दलें पर बंदिश लाने दी सख्त निंदा कीती ऐ।



CM-IICT Visit

मुख्यमंत्री उमर अब्दुल्ला होरें आखेआ ऐ जे जम्मू-कश्मीर दी सरकार केंद्र शासित प्रदेश गी फिल्मों दी शूटिंग आस्तै इक मशहूर थाहर बनाने लेई लगातार जल करारदी ऐ। उनें आखेआ जे एहदे लेई लोडचदा बुनियादी ढांचा कायम करना अत्त लाजमी ऐ ते नेहू च मुम्बई च स्थित Indian Institute of Creative technologies ज्नेह संस्थानें कन्नै सांझ भ्याली बडी जरूरी ऐ। मुख्यमंत्री होरें मुम्बई च I.I.C.T कैंपस दा दौरा कीता तां जे जम्मू-कश्मीर सरकार ते संस्थान दौनें बश्कार संस्थागत सहयोग ते विद्यार्थियों गी उत्थें फिल्मों दी पढाई आस्तै भेजने लेई मौकें दा पता लाया जाई सकै। उनें जम्मू-कश्मीर दे नौजवानें लेई Animation, V.F.X ते Gaming दे क्षेत्र च सिखलाई ते हुनर विकास दी जरूरतपर लोऽ पाई ते युवा प्रतिभाएं लेई राष्ट्र सतह दी सिखलाई दे मौके उपलब्ध करोआने लेई आई.आई.सी.टी कन्नै सहयोग पर बल दित्ता।



US Warn Iran

अमरीका ने ईरान गी चेतावनी दित्ती ऐ जे ओहू प्रदर्शनकारियों पर होआ करदी हिंसक कार्रवाई गी रोकने लेई हर संभव उपाऽ पर बचार करारदा ऐ। कल रातीं न्यूयॉर्क च संयुक्त राष्ट्र सुरक्षा परिशद दे आपातकालीन सत्र च, अमरीका दे प्रतिनिधि माइक वाल्टज़ होरें आखेआ जे राष्ट्रपति ट्रम्प होरें स्पष्ट कीता ऐ जे प्रदर्शनकारियों दी हत्तेआ रोकने आस्तै सब्बै विकल्प खुल्ले दे न। ईरान दे उप-स्थायी प्रतिनिधि गुलाम हुसैन दर्ज़ी होरें आखेआ ऐ जे अमरीका आसेआ कीती गेदी कुसै बी कार्रवाई दा नतीजाकुन, उचित ते कनूनी परता दित्ता जाह्ग। तोआई, अमरीका दे राष्ट्रपति डॉनल्ड ट्रम्प होरें दावा बन्नेआ ऐ जे अमरीका दे दबाऽ मगरा ईरान ने सारत दित्ती ऐ जे ओहू प्रदर्शनकारियों गी फांसी देने दी कार्रवाई रोका करदा ऐ। परिशद गी जानकारी दिंदे होई संयुक्त राष्ट्र दी सहायक महासचिव मार्या पोबी होरें मुद्रास्फीति ते रियाल दे डिग्गदे मुल्ल करी एहू बरोध प्रदर्शन होआ'रदा ऐ, हालाकिं एहू पिच्छले हफ्ते दे मुकाबले च घट्ट होआ ऐ। रूस ते चीन ने ईरान दा समर्थन करदे होई अमरीका दी तनोतनी बधाने लेई निंदा कीती ते कन्नै चेतावनी बी दित्ती ऐ जे कोई बी फौजी कार्रवाई पूरे इलाके की अस्थिर करी देग।

Security Tightened

गणतंत्र दिवस आले समारोहें कोला पैहले जम्मू-श्रीनगर राश्ट्री जरनैली सिडक एन.एच-44 पर सुरक्षा बवस्था निग्गर करी दिती गई ऐ। कुसै बी माड़ी घटना गी रोकने लेई बाद्दू सुरक्षाबलें दी तैनाती कीती गई ऐ- जांच नाके स्थापित कीते गे ते गड्डियें दी बवस्थित आओ-जाई लेई सुरक्षाबलें दी गश्त बी बधाई दिती गई ऐ। गणतंत्र दिवस दा मुख समारोह जम्मू दे मौलाना आज़ाद स्टेडियम च होग- जित्थे लैफ्टिनेंट गवर्नर मनोज सिन्हा होर परेड दी सलामी लैगंन। मुखमंत्री उमर अब्दुल्ला बतौर मुख परौहने इस कार्यक्रम च हिस्सा लैगंन।

<><><><><><>

Pak Drones Poonch

कल संझा साम्बा आले अंतरराश्ट्री बन्ने ते पुंछ जिले आली कब्जा रेखा कन्नै लगदे अगेत्रे इलाकें च पाकिस्तानी ड्रोन दिक्खे जाने पर सुरक्षाबलें तुरत जवाबी कार्रवाई कीती। आकाशवाणी दे जम्मू संवाददाता नै जानकारी दिती ऐ जे एहू ड्रोन पाकिस्तान आली भेठा दा इस बक्खी आए हे जेह्दे पर सुरक्षाबलें तुरत कार्रवाई करदे होई गोलीबारी शुरू करी दिती। पुंछ जिले दे दिगवार सेक्टर च इक ड्रोन किश मिटें तगर गासै पर मंडरांदा दिक्खेआ गेआ। इसै चाल्ली साम्बा जिले च बी अंतरराश्ट्री बन्ने पर इक ड्रोन दी संदिग्ध गतिविधि दिक्खी गई। एह्दे अलावा रामगढ़ सैक्टर च इयै नेही इक होर संदिग्ध गतिविधि दी खबर ऐ। एह्दे मद्देनजर सुरक्षाबलें गी फौरी तौरा पर हाई अलर्ट पर रक्खेआ गेआ ऐ तां जे कुसै बी माड़ी घटना कन्नै निब्बड़ेआ जाई सकै। एह्दे अलावा सरहदी इलाकें च गश्त बधाई दिती गई ऐ।

<><><><><><>

IED-Recovery

राजौरी जिले दे ककोड़ा गांऽ च घेराबंदी ते तलाशी अभियान दरान सुरक्षाबलें इक आई.ई.डी बरामद कीती ते इसी कामयाबी कन्नै नकारा करी दिता। आकाशवाणी जम्मू संवाददाता दी रिपोर्ट मूजब तपाशी अभियान दरान इक बंद इक बैग बरामद होआ। जांच करने पर सुरक्षाबलें दे बम्ब निरोधक दस्ते गी उस झोले दे अंदर तकरीबन साड्डे त्रै किलो वजनी इक I.E.D बरामद होई, जेह्दे मगरा बम्ब निरोधक दस्ते आसेआ इसी सुरक्षित तरीके कन्नै नकारा करी दिता गेआ। इस घटना दरान जानमाल दा कोई नुकसान नेई होआ ऐ। एहू कार्रवाई संभावित खतरें गी बेअसर करने ते बसनीकें दी सुरक्षा यकीनी बनाने लेई इलाके च चलाए जा'रदे सुरक्षा उपाएं दा इक हिस्सा हा।

<><><><><><>

Prog. Announcement

आकाशवाणी जम्मू दे प्रादेशिक समाचर एकांश आसेया राश्ट्रीय सडक सुरक्षा महीने दे सरबन्धै च- अंतरु शनिवारें 25एं मिन्टें दा इक विशेष कार्यक्रम प्रसारित कीता जाग- जेदा विषे होग- “सडक सुरक्षा- जीवन रक्षा”. 17 जनवरी गी दपैहरी 12 बजे प्रसारित होने आहले इस कार्यक्रम च स्हाडे परोहने होगंन- कठुआ-साम्बा-रौजारी ते पुंछ दे SSP ट्रैफिक (Rural) फारुक कैसर- जेहडे इस विशे पर अपने माहिराना विचार सांझे करगंन। इस कार्यक्रम दी मेजबानी साहडे न्यूज एंकर विजय बजाज आसेया कीती जाग।

